



# Synfocity = 910

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

October 12, 2023

- ❑ **Kum 2024 Presbyterian Kohhran Puitling Sunday School Zirlaibu a chhuak ta**  
Mizoram Presbyterian Kohhran chuan nakkum 2024-a Puitling Sunday School zirlai bu tur chu a tichhuak ta a, zirlai bu hi Mizo lehkhawh chuan a malkhaia chhut chhuah tam ber niin copy 90,000 zet chhut a ni.  
Kum 2024 hian Mizoram Presbyterian Kohhran chuan Puitling Sunday School-ah "Isaia Bung 40-66 Hrilhfiarna," Rev. Vanlalnunmawia Zawngte ziah an zir dawn a. He zirlai buah hian zirlai 46 awmin pheh 270-a chhah a ni. Mizoram puma Synod Bookroom dawr zawng zawngah lei theih tura chhawp chhuah mek a ni a, ₹ 120 man a ni.  
Isaia Lehkhawh hi Puitling Sunday School zirlai atan pawh tum li - 1947, 1948, 1961 leh 1973-ah te hman a lo ni tawh a, nakkum hi tum nga zirna tur a ni ta a ni.  
Mizoram Presbyterian Kohhran Puitling Sunday School zirlaibu hi Presbyterian Church of Myanmar (PCM) hnuaia Phai Synod pumpui chuan an zirlaibu atan an hmang ve nghal zel a. Presbyterian Church of Myanmar leh Mizoram Synod Partnership Agreement angin Mizoram Synod chuan kum tin bu 1000 zet a thlawnin Presbyterian Church of Myanmar hi a pe thin a ni.  
Puitling Sunday School zirlai bu thar bakah hian Naupang Sunday School department hrang hrang zirlai bu turte peih fel a ni tawh a, tun atanga rei vak lovah 2024 Nilai leh Beihruah Thupui Bu leh Synod Calendar thar lo chhuak leh tura beisei a ni bawh.
- ❑ **NEICC puala tawngtairual chungchang**  
October 15 (Pathianni) zan hi kohhranhote NEICC puala kan tawngtai rual zan a ni a, tawngtai thupui tur tlangpuite chu:
  1. NEICC hnuaia kohhran leh pawl hrang hrang ten rawngbawlina tha tak an neih zel theih nan.
  2. NEICCYA leh NEICCWA ten chak zawka rawngbawlina an kalpui zel theih nan.
  3. NEICC-a thawktute leh an chhungte tan.
  4. NEICC puipate tan.
  5. UCC-in hma a sawn zel theih nan.
  6. India hmarchhaka remna leh muanna a awm zel theih nan.
  7. Kum 2024-a NEICC Biennial Session neih tur tan.
  8. Manipur buaina thleng mekah remna a awm theih nan.North East India Christian Council (NEICC) hi kum 1937 khan Assam Christian Council tiin din a ni a, kum 1962 khan North East India Christian Council (NEICC) tiin a hming hi thlak a ni. NEICC-ah hian kohhran member 37 leh associate member 18, an vaiin 55 an awm a. NEICC hnuaiah hian peng pawimawh tak pahnih - thalai lam rawngbawlina, NEICC Youth assembly (NEICCYA) leh hmeichhe lam rawngbawlina, NEICC Women Assembly (NEICCWA) te an awm a ni.  
He Council hi India hmarchhaka kohhran hote inkara inpumkhatna vawng tur te, sawrkar leh kohhran inkara inhriatthiam tawna a awm theihna tura hma la tura din a ni a. India hmarchhaka kohhran inpumkhatna a awm zel theih nan inrawnkhawmna buatsaih leh harsatna lo chhuak zel te a tul angin a hmachhawn thin a ni.
- ❑ **Synod Mission Board**
  - ◆ **Delhi Mission Field**  
October 5, 2022 (Ningani) khan belhtu thar pathum an awm a, ni 8 (Pathianni) khan belhtu thar pahnih an awm bawh.
  - ◆ **Lucknow Mission Field**  
October 8, 2023 (Pathianni) khan belhtu thar pariat an awm.
  - ◆ **Assam Mission Field**  
October 8, 2023 (Pathianni) khan belhtu thar pahnih an awm.

◆ **Odisha Mission Field**

October 8, 2023 (Pathianni) khan belhtu thar pakhat a awm.

◆ **Kumin 2023 September thla thlenga Mission Field hrang hranga belhtu thar neih dan hetiang hi a ni:**

S.No	Field	Total	S.No	Field	Total
1.	Arunachal & Assam Mission (East)	61	11.	Kolkata	892
2.	Arunachal & Assam Mission (North)	59	12.	Lucknow	45
3.	Arunachal & Assam Mission (West)	93	13.	Nepal	157
4.	Assam	37	14.	Odisha	87
5.	Barak Area	117	15.	Patna	204
6.	Delhi	152	16.	Siliguri	106
7.	Home Mission North	59	17.	Tripura	675
8.	Home Mission South	22	18.	Masihi Sangati	4172
9.	Jharkhand	487	19.	Cambodia	7
10.	Karbi Anglong	121		<b>Belh khawm</b>	<b>7553</b>

□ **Mizoram Christian College (MCC)**

Kumin July thlaa MZU hnuaiia University Exam Result chhuakah khan MCC-a BBA 2nd Semester zirlai exam pakua (9) atangin mi pathum-in an pass a; mahse, a fail-te atang hian an mark hmuh zat en nawn dil leh niin, en nawn a nih hnuah zirlai pathumin an pass belh leh a. Heti hian tun dinhmunah BBA 3rd Semester zirlai 8 zinga 6-in 2nd Semester an pass a, pass percentage chu 75% a ni.

□ **Presbyterian English School (PES)**

October 9-13, 2023 chhung hian PES pahnih - Darlawn PES leh Phullen PES-ah te Teachers' Training neihpuiin Pu C. Lalrinliana, Supervisor of Schools leh Upa Dr. Lalrintluanga, Resource Person te an kal.

□ **Worship**

October 11-13, 2023 chhung hian Shillong-ah Worship Consultation neiin Pu Lalchhungliana, Co-ordinator leh Resource Person-te, Rev. Dr. Rosiamliana Tochwawng, Rev. F. Lalrinnunga leh Rev. T.C. Laltlanzova te an kal.

□ **MSSU**

October 14, 2023 (Inrinni) hian Sunday School Zirtirtu training neihpui turin trainer-te hetiang hian an chhuak ang:

Chalrang Bial	-	Upa Hrilthansanga Upa Zohmangaiha Upa Danny Lalremmawia
Saitual Chhimveng Bial	-	Upa K. Zoremsanga Upa Zionparlawma Upa C. Lalnunzira

□ **FG&CC**

October 14-15, 2023 chhung hian Lallen Kohhranah Kristian Chhungkaw Seminar leh Campaign nei turin Rev. Lalsangbera, Director leh Rev. J. Lalremsiama, Committee member te an kal ang.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Zemabawk South	Damlo	3	₹ 30,000/-
2.	Zemabawk East	Damlo	2	₹ 20,000/-
3.	Vaphai	Leimin tuar	2	₹ 20,000/-
4.	Vaphai	Accident	1	₹ 10,000/-
5.	Ramhlun Vengchhak	Damlo	1	₹ 10,000/-
			<b>Belh khawm</b>	<b>₹ 90,000/-</b>

- ❑ **Moderator-in Biak In a hawng**  
 Synod Moderator Rev. Dr. C. Chawngmingliana chuan October 12, 2023 (Ningani) chawhma dar 11:00 khan Palsang Kohhran Biak In, Zohmun Bial ami chu a hawng a. Biak In zau zawng hi a dung feet 54 leh a vang feet 36 a ni a, biak in sak nan hian ₹ 43,34,134/- an hmang a, kum 6 chhung an sa a ni. Tun dinhmunah Palsang kohhranah hian kohhran member 403 awmin dan zawh kim 228 an awm a ni.
- ❑ **MPF-in Annual General Meeting an hmang**  
 Mizoram People Forum chuan October 10, 2023 (Thawhlehi) khan Annual General Meeting wawi 16-na chu Mission Veng Kohhran Hall-ah an hmang.  
 Meeting hi hun hniha then a ni a, chawhma inkhawm chu Rev. Dr. C. Chawngmingliana, President-in a kaihruai a, Upa Lalramthangan "MPF kalphung leh hmalak dan tur" tih thupui a sawi a, report hrang hrang ngaihthlak a ni a, kum 2024-2025 atana budget ruahman ₹ 14,03,000 chu pawm a ni.  
 Chawhnu inkhawm chu Pu Nghaklianmawia, Vice President-in a kaihruai a, Rev. K. Lalrinmawian "Huapzo sawrkar kan mamawh" tih thupui a sawi a, sawi hona hun hman a ni bawk.  
 Annual General Meeting chuan Mizoram Legislative Assembly inthlanpuia vote chhiar ni atan December 3, 2023 (Pathianni) ruat a ni chu tha an ti lo va, sawn turin Election Commission of India (ECI)-ah ngen an rel a ni.  
 MPF hi June 21, 2006-ah din niin Mizoramah inthlanna thianghlim, zalen leh muanawm a awm theihna tura din a ni a, kohhran leh tlawmngai pawl hrang hrang an tel a ni.
- ❑ **FM Zoawi - Aizawl & Lunglei : Hruaina Eng Radio Programme**  
**October 13, 2023 (Zirtawpni) @ 7:30 p.m. :**  
**Fakhla hun :** Isaac Lalthazuala, **Thusawi :** R.C. Lalrengpuii, Asst Prof. Mizoram College of Nursing - Zunkawng leh mit-a lungte awm chungchang, **Solo :** Lalrinawmi - Nunna i la nei e
- ❑ **Su Samachar Prasaran Programme :**  
**October 15, 2023 (Pathianni) 5:30 pm. :**  
**Group/Choir/Solo :** Sihphir Masihi Sangati - Kruspar  
**Group/Choir/Solo :** Chanmari West - Yesu Mere  
**Sermon :** Rev. Jimmy Malsawmdawngliana  
**Group/Choir/Solo :** Moreen, Solomon & Sunaina - Yesu zinda huwa  
**Group/Choir/Solo :** H. Vanlalringa - Khusiya
- ❑ **Hruaina Eng TV Programme**  
**12.10.2023 (Ningani) 8:30 pm :** Thupui zir bing - Mizo Kristiante nuna rimawi leh hla pawimawhna - 1  
**13.10.2023 (Zirtawpni) 5:00 pm :** Kristian Naupang Pual  
**14.10.2023 (Inrinni) 5:30 pm :** Puitling Sunday School Zirlai  
**8:30 pm :** Rimawi huang  
**15.10.2023 (Pathianni) 8:00 am :** Weekly round up  
**5:30 pm :** Su Samachar Prasaran  
**16.10.2023 (Thawhtanni) 8:30 pm :** Hruaina Eng Luang chhuak
- ❑ **Moderator leh Executive Secretary-te Programme:**  
**Rev. Dr. C. Chawngmingliana : Moderator**  
 Oct. 11-13, 2023 Palsang Kohhran Biak In hawn (Zohmun Bial)  
 Oct. 15, 2023 Melriat Bial - Hualngohmun Kohhran (Chawhma)  
 Kelsih Kohhran (Chawhnu)  
 Melriat Kohhran (Zan)  
 Oct. 16-20, 2023 Synod Committee leh Board hrang hrangah a thu ang  
**Rev. C. Zorammawia : Senior Executive Secretary**  
 Oct. 16, 2023 PPF Board  
 Oct. 17, 2023 MCC Governing Board  
 Oct. 18, 2023 Partnership Committee  
 Oct. 19-20, 2023 Synod Mission Board

**Rev. V.L. Luaia Hranleh : Executive Secretary**

Oct. 14-15, 2023 Ramthar Veng Kohhran  
Oct. 16-20, 2023 Synod Committee leh Board hrang hrangah a thu ang

**Rev. Dr. K. Lallawmzuala : Executive Secretary**

Oct. 12, 2023 Synfo Committee  
Oct. 13, 2023 Sikulpui Committee  
Oct. 16, 2023 Education BEC  
Oct. 17, 2023 MCC Governing Board  
Oct..18, 2023 Partnership Committee  
Oct. 19-20, 2023 Synod Mission Board

**RESIDENTIAL CHOIR CONDUSTORS' TRAINING**

Synod Worship Committee chuan October 24-27, 2023 chhungin Synod Conference Centre, Mission Vengah riak lutin Zaipawl Conductor Training a buatsaih leh dawn a.

Training-a tel duhte tan Synod Office Worship Department-ah Office hun chhungin dilna form lak chhuah theih a ni. Dilna hi October 18, 2023 (Nilaini) tlai lam dar 4:00 thlengin Worship Department Office-ah theh luh theih a ni ang. Training tura thlante hming chu October 19, 2023 dar 11:00 A.M-ah tar chhuah a ni ang.

Dilna form hi Synod Website [www.mizoramsynod.org](http://www.mizoramsynod.org) atangin Download theih a ni ang a, a hnuaiia phone number tarlanah te hian whatsapp hmangin a thawn let theih bawk ang. Hriat tur dangte pawh dah tel nghal a ni bawk e.

*Sd/-*  
Rev. Dr. K. Lallawmzuala  
Executive Secretary  
i/c Worship

**HRIATTIRNA**

Synod Revival Committee chuan October, November leh December-ah te Synod Revival Camping Centre, Sihphir Neihbawi-ah Camping a buatsaih dawn a. A duh tan luh theih ani ang. Registration Fee ` 100/- a ni ang a. Mahni mimal mamawh hrang hrang bakah Mut bu, Bible, pen leh note bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh thin tur a ni ang.

1. October 10-14, 2023
2. November 14-18, 2023
3. December 5-9, 2023

November thla camp hun tura ruahmanna hmasa November 7-11, 2023 chu Mizoram Legislative Assembly inthlan a nih dawn avangin November 14-18, 2023-ah sawn a ni.

*Sd/-*  
Rev. C. Zoramawia  
Senior Executive Secretary  
i/c Revival